

Bosna i Hercegovina
Federacija Bosne i Hercegovine
Hercegovačko-neretvanska županija
SKUPŠTINA

Broj: 02-01-XX-282/16
Mostar, 07.10.2016. godine

IZVOD IZ ZAPISNIKA
sa dvadesetu (XX) sjednice Skupštine
Hercegovačko-neretvanske županije

Sjednica je održana 07.10.2016. godine u dvorani Skupštine HNŽ u Mostaru s početkom u 14:00 sati.

Sjednicu je otvorio predsjedavajući Skupštine Šerif Špago i pozdravio nazočne.

Tajnik Skupštine, Željka Čule obavila je prozivku.

Nazočni: Mara Anđelić, Stana Burić, Boris Bošnjak, Osman Ćatić, Mesud Džajić, Ramiz Fajić, Luka Faletar, Anel Kljako, Andrea Pehar, Tomislav Martinović, Zijat Mušić, Ante Pavličević, Davor Pehar, Đuro Prkačin, Dario Pušić, Zoran Raič, Vesna Saradžić, Elmir Šator, Amir Šelo, Ajman Šoše, Šerif Špago, Ana-Marija Tadić-Jakovljević, Drago Tule, Amer Zagorčić, Aner Žuljević.

Izočni: Ilija Cvitanović, Zlatko Hadžimerović, Osman Macić, Ivona Raguž, Adnan Velagić
Konstatirano je da je na sjednici nazočno **25** zastupnika, te da postoji kvorum za rad i pravosnažno odlučivanje.

Sjednica je javna, snimana je i snimci su sastavni dio ovog Izvoda iz zapisnika.

Predloženi dnevni red:

1. Zastupnička pitanja;
2. Nacrt zakona o izmjenama i dopunama Zakona o poljoprivrednom zemljištu HNŽ;
3. Nacrt zakona o izmjenama Zakona o načinu označavanja i evidentiranja naseljenih mjesta, ulica, trgova i kućnih brojeva;
4. a) Odluka o usvajanju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013. do 2023. godine,
b) Odluka o provođenju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013 do 2023. godine;
5. Izvještaj o izvršenju sredstava Tekuće rezerve za period 01.01.-30.06.2016. godine;
6. Informacija o zdravstvenom stanju stanovništva u HNŽ;
7. Mišljenje na Prednacrt Federalnog zakona o izmjenama i dopunama Zakona o zaštiti od nasilja u obitelji;
8. Mišljenje na Nacrt Zakona o hraniteljstvu u Federaciji Bosne i Hercegovine;
9. Mišljenje na Nacrt Zakona o razvojnom planiranju i upravljanju razvojem u Federaciji Bosne i Hercegovine;
10. Mišljenje na Prednacrt Federalnog Zakona o pravima razvojačenih branitelja i članova njihovih obitelji;
11. Zaključak o dostavljanju Izvještaja o realizaciji skupštinskih zaključaka.

Otvorena je rasprava.

Zastupnik Aner Žuljević predlaže da se točke 7, 8 i 9 skinu sa dnevnog reda, jer se radi o zakonima koje Skupština nema obvezu razmatrati kad su u pitanju nacrti zakona, a isti nacrti zakona su već usvojeni u domovima federalnog Parlamenta.

Rasprava je zatvorena.

Usljedilo je glasanje o priedlogu zastupnika Anera Žuljevića.

Prijedlog nije dobio potrebnu većinu.

Usljedilo je glasanje o Prijedlogu dnevnog reda kojeg je utvrdio Kolegij.

Nakon glasovanja, konstatirano je da je dnevni red usvojen većinom glasova uz 4 glasa protiv.

Dnevni red:

1. Zastupnička pitanja;
2. Nacrt zakona o izmjenama i dopunama Zakona o poljoprivrednom zemljištu HNŽ/K;
3. Nacrt zakona o izmjenama Zakona o načinu označavanja i evidentiranja naseljenih mjesta, ulica, trgova i kućnih brojeva;
4. a) Odluka o usvajanju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013. do 2023. godine,
b) Odluka o provođenju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013 do 2023. godine;
5. Izvještaj o izvršenju sredstava Tekuće rezerve za period 01.01.-30.06.2016. godine;
6. Informacija o zdravstvenom stanju stanovništva u HNŽ/K;
7. Mišljenje na Prednacrt Federalnog zakona o izmjenama i dopunama Zakona o zaštiti od nasilja u obitelji;
8. Mišljenje na Nacrt Zakona o hraniteljstvu u Federaciji Bosne i Hercegovine;
9. Mišljenje na Nacrt Zakona o razvojnom planiranju i upravljanju razvojem u Federaciji Bosne i Hercegovine;
10. Mišljenje na Prednacrt Federalnog Zakona o pravima razvojačenih branitelja i članova njihovih obitelji;
11. Zaključak o dostavljanju Izvještaja o realizaciji skupštinskih zaključaka.

Usljedilo je glasanje o Izvodu iz zapisnika s 19. sjednice Skupštine.

Nakon glasanja konstatirano je da je Izvod iz zapisnika jednoglasno prihvaćen.

AD1. Zastupnička pitanja

Zastupnik Amer Zagorčić

Prvo, na jedno pitanje molio sam pismeni odgovor, nisam još dobio od Vlade, vezano za one stolice u trgovinama, ako niste primjetili ja sam na više mjesta primijetio čak i trudne žene stoje po 10 sati tamo, dajte ljudi, ja vas molim. Mislim to nam nije problem nikakav, samo da ih obavežemo da imaju stolice.

O prosjačenju, znamo šta je bilo, stvarno „no coment“, niti se šta ispoštovalo niti se šta dogodilo niti ja vidim da je nešto poduzeto.

Moja pitanja su, prvo je vezano za ministarstvo zdravstva. Iako ćemo danas o tome raspravljati ali moram ovo postaviti kao poslaničko pitanje jer i građani su mi se obraćali vezano za to kada imaju lijekove kojima je prošao rok trajanja i ne znaju gdje da ih odlože, u apotekama to neće da prime, znači kako i na koji način građani mogu odložiti svoj medicinski otpad, to jest lijekove i druge medikamente kojima je istekao rok trajanja, gdje taj otpad odlažu i kako se postupa sa istim kada su u pitanju medicinske ustanove i gdje je deponovan i na koji način uništen otpad iz takozvane bolnice „Vakuf akifa“ u Velmosu u Mostaru? Pošto

je sudbina tog otpada nepoznata većini građana i ljude to zanima, pošto ima indicija da je tamo ostavljeno da to propada i da stoji i onda se zagađuju i podzemne vode, a potencijalno je ekološka katastrofa.

Drugo pitanje, vezano za ministarstvo obrazovanja. Šta se dešava sa izgradnjom nadvožnjaka za školu u Zaliku i zašto on nije izgrađen, obzirom da stotine djece svakodnevno prelaze veoma opasnu saobraćajnicu, a što dovodi u pitanje i samu upotrebnu dozvolu škole? Dakle, u Zaliku imamo školu, naselje je sa jedne strane, škola je preko 4 trake, djeca svaki dan prelaze ulicu vrlo opasnu, raskrslu, i idu u školu, tu kad je škola pravljena imali smo obavezu dakle da se napravi i ta takozvana pasarela, kako djeca ne bi prelazila preko ulice u školu, nego kako bi mogli bezbjedno doći do osnovne škole.

Zastupnik Amir Šelo

Na osnovu člana 83 Poslovnika Skupštine HNK-a pokrećem inicijativu za formiranje stručne službe za razvoj i međunarodne projekte pri Vladi HNK-a. S obzirom da pri Vladi HNK-a ne postoji niti jedno tijelo koje bi koordiniralo razvoj i međunarodne projekte u kojima učestvuje kanton predlažem da se pri Vladi HNK-a formira posebna služba za razvoj i međunarodne projekte. Poslovi i zadaci navedene stručne službe bili bi sljedeći: priprema i distribucija općih informacija o okruženju te u tom smislu postavljanje mreže i kontakata sa ministarstvima, općinama i organizacijama na nivou kantona, Federacije i države Bosne i Hercegovine radi kooperacije i prikupljanja informacija, uspostavljanje mreže kontakata sa internacionalnim organizacijama radi saradnje i prikupljanja svih vrsta informacija koje mogu pomoći podsticanju razvoja privrede, aktiviranje novih međunarodnih projekata, implementacija odobrenih međunarodnih projekata, koordiniranje, monitoring i supervizija realizacije svih aktivnosti iz odobrenih međuregionalnih projekata, vođenje procesa razvojnog planiranja i praćenje implementacije na nivou kantona, saradnja sa regionalnim razvojnim agencijama i lokalnim razvojnim agencijama, također koordiniranje i jačanje institucionalnih kapaciteta u ministarstvima kantona za međunarodne projekte, koordiniranje svih projekata Evropske Unije u kojima učestvuje kanton. Zašto ovo sve govorim? Znači primjetno je da u budžetu kantona imamo dosta IPA projekata među kojima ne postoji neka kooperacija, znači mi kao zastupnici, odnosno i sama vlada često nema informaciju koja je to vrsta projekata jer svako ministarstvo posebno radi te projekte, ured premijera isto sam u određenim okolnostima koordinira te projekte i mišljenja sam da sve te neke stvari treba objediniti na jedno mjesto, da jedna služba koordinira tim stvarima. Mišljenja sam da čak nisu potrebna ni nova zapošljavanja u navedenu stručnu službu, nego potrebno je da ljudi koji već rade po sistematizaciji slična radna mjesta jednostavno da se samo uvuku u navedenu stručnu službu i da se sve to zajedno sa jednog mjesta koordinira.

Drugu inicijativu imam prema ministarstvu unutrašnjih poslova, da se osigura češće prisustvo policijskih službenika na području mjesne zajednice Blagaj, a razlog navedene inicijative leži u činjenici da se u kraćem vremenskom periodu na području mjesne zajednice Blagaj dešavaju razbojništva koja poprimaju veće razmjere. I s tim u vezi zamolio bi ministarstvo da preko nadležne policijske stanice znači i reaguje i da se osigura malo češće prisustvo policijskih službenika.

Zastupnik Luka Faletar

Ja imam jedno zastupničko pitanje, a pitanje upućujem Ministarstvu poljoprivrede, vodoprivrede i šumarstva HNŽ-a i Veterinarskoj inspekciji, a to pitanje glasi: tražim informaciju o poduzetim mjerama na iskorjenjivanju bolesti plavog jezika. Vidite, preko sredstava priopćavanja vidjeli ste da se u više općina u HNŽ-u pojavila ova bolest i svakako da prema pravilniku jeste da Ministarstvo poljoprivrede, vodoprivrede i šumarstva i

Veterinarska inspekcija imaju nadležnost. Zato ovo pitanje postavljam iz razloga toga što Općina Prozor-Rama i mjesto gdje se ovo dešava upravo se naslanjaju na dio Općine Tomislavgrad, stada ovaca su stacionirana na jednom mjestu, a ispaša se vrši na drugom mjestu, tako da se ova bolest prenosi jednostavno i zaraza dolazi i u druga stada ovaca sa područja Općine Prozor-Rama gdje ljudi to ovaj se bave sa ovčarstvom. Ono što bih želio, a danas je informacija upravo stanje zdravlja na području naše županije, onda evo da poduzmemo određene mjere kako ne bi došlo do zaraze stanovništva.

Zastupnica Vesna Saradžić

Ja imam par pitanja koja mi se nekako logički ovaj nameću ministarstvu zdravlja HNK-a, a vezano je za ovu deratizaciju koja slijedi, koja će se provesti u našem kantonu od 10.10. do 06.11.2016. godine. Deratizacija će početi i sa te strane to je zaista dobro ako se uzme u obzir značaj i potreba deratizacije koja dugi niz godina nije provedena ovdje na našem kantonu, ali s obzirom da će deratizaciju provoditi firma čije sjedište nije u ovom kantonu postavlja se jedno pitanje kako neko ko ne zna i nije upućen u stvarno stanje na ovom području na terenu može zaštititi ovo isto područje na najbolji mogući način? Zatim, zašto deratizacija obuhvata samo gradsko područje? Možda to negdje je i moguće ovdje u ovom dijelu kantona provesti, međutim kad uzmemo u obzir opštine kao što je Konjic u pitanju, odnos gradske i ruralne zone je takav da deratizacija neće i ne može dati željeni rezultat. Zatim, zašto tokom sprovođenja ove deratizacije kantonalni zavod nije nosilac svih ovih aktivnosti kako bi svaka služba, svaka epidemiološka služba na terenu mogla biti nosilac ovih aktivnosti jer znamo da su oni najbolje upućeni u stvarno stanje? I na kraju, zar nije prirodno da novac ostane u ovom kantonu, u okviru ovih zdravstvenih ustanova i da oni na kraju krajeva zarade?

Zastupnik Zoran Raič

Pitanje je upućeno Ministarstvu obrazovanja, znanosti, kulture i sporta. Na temelju kojih kriterija su se dodijelila sredstva na javnom pozivu za sport, te tražim da mi se dostave dobitnici istog, s jasnim obrazloženjima i iznosom sredstva? Naime, po terenu kruže razne priče koje daju za pravo sumnjati u vjerodostojno i pravilno ocjenjivanje ovog poziva.

Zastupnik Andrea Pehar

Upućujem inicijativu Vladi HNŽ-a da u što skorijem roku dostavi materijale sa prijedlogom mjera za poboljšanje stanja u ovoj oblasti, kako bi se u ovom završnom kvartalu održala tematska sjednica skupštine o stanju u prosvjeti.

Zastupnik Aner Žuljević

Radi se o situaciji stanara iz ulaza Brune Bušića 6, koje ne znam koliko ste vi upoznati, ali radi se o intervencijama određenim na stambeni objekat u smislu rušenja nosivog zida zbog ugovornog odnosa, odnosno iznajmljivanja poslovnog prostora koji je iznajmljen od strane zajedničkih službi Vlade Federacije. I činjenica je da to i ne bi predstavljalo neki problem da se nije desila situacija koja je nastala kao direktna posljedica zemljotresa kojeg smo mi imali u proteklom periodu, koji je bio vrlo malog intenziteta, ali zbog ovog građevinskog zahvata na taj iznajmljeni poslovni prostor desilo se da su u stanovima iznad popucali zidovi, što pokazuje da apsolutno u tom stambenom objektu ne postoji više adekvatna sigurnost za stanovanje na bilo koji ozbiljniji zemljotres.

Pitanje je upućeno prema zajedničkim službama Vlade F BiH da se dostavi projektna dokumentacija postojećeg objekta, koja je očigledno u arhivi zajedničkih službi, koja će prije svega omogućiti da se uradi adekvatna stručna procjena koliko je objekat ugrožen ovom intervencijom i koje se neophodne intervencije moraju napraviti u postupku sanacije kako bi

objekat zaista bio doveden u stanje statičke stabilnosti neophodne za stanovanje u samom objektu.

Od Tužilaštva HNK-a tražim da dostavi informaciju šta je poduzelo po pitanju prijave stanara kada je u pitanju predmetni spor.

Tražim od Ministarstva pravde HNK-a da u skladu sa svojim nadležnostima izvrši upravni nadzor zakonitosti postupanja nadležnih inspekcija u predmetnom sporu kada je u pitanju sam postupak koji je proveden, kao i relevantnost dokumentacije u istom.

I zadnja stavka je da od zajedničkih službi Vlade tražim dokument na bazi kojeg su ušli u obligacione odnose vezano za navedeni poslovni prostor ako je činjenica da se radi o zajedničkom prostoru u vlasništvu stanara.

Zastupnik Elmir Šator

Pitanje se odnosi na Ministarstvo obrazovanja. S obzirom da je osnovano odjeljenje Fakulteta zdravstvenih studija pri Univerzitetu „Džemal Bijedić“ u Mostaru, mene zanima finansijska konstrukcija finansiranja tako složenih zanimanja. Također, da se dostavi, obzirom da je izvršena integracija Univerziteta, raspodjela, ukupna raspodjela svih sredstava prema fakultetima koji čine Univerzitet „Džemal Bijedić“.

Predsjedavajući konstatira da nema više zastupničkih pitanja.

Nevenko Herceg, predsjednik Vlade HNŽ/K odgovara na pitanje zastupnice Vesne Saradžić i zastupnika Luke Faletara.

AD2. Nacrt zakona o izmjenama i dopunama Zakona o poljoprivrednom zemljištu HNŽ/K

U ime predlagatelja Nacrta zakona obrazloženje je dao Donko Jović, ministar Ministarstva poljoprivrede, vodoprivrede i šumarstva HNŽ/K.

Otvorena je rasprava.

U raspravi su učestvovali: Amer Zagorčić, Amir Šelo, Vesna Saradžić, Šerif Špago, Tomislav Martinović, ministar Donko Jović.

Predsjedavajući zaključuje raspravu.

Predsjedavajući predlaže zaključak:

„Prihvaća se Nacrt zakona o izmjenama i dopunama Zakona o poljoprivrednom zemljištu HNŽ/K kao dobra osnova za izradu prijedloga zakona. Primjedbe i prijedlozi na Nacrt zakona iznijeti na sjednici Skupštine dostavit će se Vladi HNŽ/K-a na razmatranje. Ostavlja se rok od 7 dana zastupnicima da u pisanom obliku dostave stručnoj službi Skupštine dodatne prijedloge i primjedbe na Nacrt zakona. Zaključak stupa na snagu danom donošenja, a objavit će se u Narodnim novinama HNŽ/K-a.“

Usljedlo je glasovanje.

Nacrta zakona o izmjenama i dopunama Zakona o poljoprivrednom zemljištu HNŽ/K jednoglasno je usvojen.

AD3. Nacrt zakona o izmjenama Zakona o načinu označavanja i evidentiranja naseljenih mjesta, ulica, trgova i kućnih brojeva

U ime predlagatelja Nacrta zakona obrazloženje je dao Ivan Lesko, direktor Uprave za geodetske i imovinsko-pravne poslove HNŽ/K.

Otvorena je rasprava.

U raspravi su učestvovali: Amer Zagorčić, Šerif Špago, Ivan Lesko.

Predsjedavajući zaključuje raspravu.

Predsjedavajući predlaže zaključak.

„Prihvaća se Nacrt zakona o izmjenama Zakona o načinu označavanja i evidentiranja naseljenih mjesta, ulica, trgova i kućnih brojeva, kao dobra osnova za izradu prijedloga zakona. Primjedbe i prijedlozi na Nacrt zakona iznijeti na sjednici Skupštine dostavit će se Vladi HNŽ/K na razmatranje. Ostavlja se rok od 7 dana zastupnicima da u pisanom obliku dostave stručnoj službi Skupštine dodatne prijedloge i primjedbe na Nacrt zakona. Zaključak stupa na snagu danom donošenja, a objavit će se u Narodnim novinama HNŽ/K-a.“

Usljedilo je glasovanje.

Predloženi zaključak je jednoglasno prihvaćen.

AD4. a) Odluka o usvajanju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013. do 2023. godine,

b) Odluka o provođenju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013 do 2023. godine

U ime predlagatelja Odluke obrazloženje je dao Suad Hasandedić, ministar Ministarstva graditeljstva i prostornog uređenja HNŽ/K.

Usljedila je prezentacija prostornog plana od strane Jaroslava Vego, direktor Zavoda za prostorno planiranje i zaštitu okoliša u HNŽ/K i Mirele Šetka-Prlić, „Eko plan“ Mostar, predstavnik nosioca izrade Prostornog plana područja posebnih obilježja za područja od značaja za HNŽ/K „Park prirode Hutovo blato.

Otvorena je rasprava po točki 4. a) i b).

U raspravi su učestvovali: Tomislav Martinović, Suad Hasandedić.

Tomislav Martinović predlaže da se negdje u dijelu ovog Prostornog plana tekstualno spomene da prometnice, magistralna cesta M 17 i regionalna cesta R 426, nisu obuhvaćene ovim Prostornim planom.

Također, predlaže zaključak Skupštini kojim bi zadužili Vladu nase županije i Ministarstvo trgovine, turizma i zaštite okoliša kao resorno ministarstvo, da u narednom periodu osiguraju sredstva u proračunu koja su potrebna za realizaciju i provođenje ovog Prostornog plana.

Predsjedavajući zaključuje raspravu.

Usljedilo je usvajanje Odluke o usvajanju Prostornog plana područja posebnih obilježja za područje od značaja za HNŽ/K „Park prirode Hutovo blato“ za period 2013. do 2023. godine, sa tekstualnom dopunom koju je predložio Tomislav Martinović, a koju dopunu je prihvatila Vlada županije.

Predsjedavajući konstatira da je Odluka o usvajanju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013. do 2023. godine, jednoglasno usvojena uz navedenu dopunu.

Usljedilo je glasanje za Odluku o provođenju Prostornog plana područja posebnih obilježja za područja od značaja za HNŽ/K „Park prirode Hutovo blato“ za period 2013. do 2023. godine.

Odluka je jednoglasno usvojena.

Prijedlog zaključka Tomislava Martinovića glasi:

„Zadužuje se Vlada HNŽ/K i Ministarstvo trgovine, turizma i zaštite okoliša kao resorno ministarstvo da realno procijene potrebe za financijskim sredstvima koja će biti neophodna za provođenje Prostornog plana „Parka prirode Hutovo blato“ u narednom periodu.

Predsjedavajući konstatira da je prijedlog zaključka jednoglasno usvojen.

AD5. Izvještaj o izvršenju sredstava Tekuće rezerve za period 01.01.-30.06.2016. godine

U skladu sa Zakonom o budžetima u članku 61, Vlada ima obavezu da polugodišnje izvještava Skupštinu o korištenju sredstava Tekuće rezerve.

U ime Vlade HNŽ/K govorio je Adnan Faladžić, ministar Ministarstva financija HNŽ/K.

Otvorena je rasprava po pitanju Prijedloga Odluke o usvajanju Izvještaja o izvršenju Tekuće rezerve Budžeta HNŽ/K-a za period 01.01.-30.06.2016. godine.

Predsjedavajući je zaključio raspravu.

Usljedilo je glasovanje.

Izvještaj je jednoglasno usvojen.

AD6. Informacija o zdravstvenom stanju stanovništva u HNŽ/K

Po zaključku Skupštine iz prosinca prošle godine Vlada je bila dužna pripremiti informaciju o zdravstvenom stanju stanovništva.

Predsjedavajući konstatira da Skupština nema obavezu usvajanja Izvještaje jer se radi o informaciji.

Ispred predlagatelja govorio je Enis Čolaković, direktor Zavoda za javno zdravstvo HNŽ/K.

Otvorena je rasprava.

U raspravi su učestvovali: Davor Pehar, Osman Ćatić, Amer Zagorčić, Mara Anđelić, Elmir Šator, Šerif Špago.

Zaključuje se rasprava.

Predsjedavajući preuzima obavezu da Kolegij u suradnji sa Komisijom za zdravstvo za narednu sjednicu pripremi zaključke po ovoj točki.

AD7. Mišljenje na Prednacrt Federalnog Zakona o izmjenama i dopunama Zakona o zaštiti od nasilja u obitelji

U ime predlagatelja obrazloženje je dao Enes Mulać, pomoćnik ministra Ministarstva zdravstva, rada i socijalne skrbi.

Otvorena je rasprava.

Niko se nije javio za riječ.

Predsjedavajući zaključuje raspravu i predlaže slijedeći zaključak:

„Skupština HNŽ/K-a daje pozitivno mišljenje na Prednacrt zakona o izmjenama i dopunama Zakona o zaštiti od nasilja u obitelji, uz zahtjev da se uvažuje:

1). mišljenje i prijedlozi sadržani u zaključku Vlade HNK-a broj od 18.02.2016.;

2). zaključak iz točke 1 čini sastavni dio ovog zaključka;

3). zaključak će se dostaviti federalnom ministarstvu pravde;

4). zaključak stupa na snagu danom donošenja i objavit će se u „Narodnim novinama HNŽ/K“.

Usljedilo je glasovanje.

2 glasa protiv, suzdržanih nema.

Zaključak je većinom glasova usvojen.

AD8. Mišljenje na Nacrt Zakona o hraniteljstvu u Federaciji Bosne i Hercegovine

U ime predlagača obrazloženje je dao Enes Mulać, pomoćnik ministra Ministarstva zdravstva, rada i socijalne skrbi.

Otvorena je rasprava.

Niko se nije javio za riječ.

Predsjedavajući zaključuje raspravu i predlaže slijedeći zaključak:

- 1). Skupština HNŽ/K-a daje pozitivno mišljenje na Nacrt zakona o hraniteljstvu u F BiH, uz zahtjev da se uvažavaju mišljenja i prijedlozi sadržani u zaključku Vlade HNŽ/K-a od 21.04.2016. godine;
 - 2). zaključak iz točke 1 čini sastavni dio ovog zaključka;
 - 3). ovaj zaključak će se dostaviti federalnom ministarstvu rada i socijalne skrbi;
 - 4). zaključak stupa na snagu danom donošenja i objavit će se u „Narodnim novinama HNŽ/K“.
- Zaključak je jednoglasno usvojen.

AD9. Mišljenje na Nacrt Zakona o razvojnom planiranju i upravljanju razvojem u Federaciji Bosne i Hercegovine

Predsjedavajući otvara raspravu po pitanju zaključka i mišljenja koje je ranije utvrdio Kolegij, a koje su poslanici dobili u materijalima za sjednicu Skupštine.

Otvorena je rasprava.

Niko se nije javio za riječ.

Predsjedavajući zaključuje raspravu.

Predložen je slijedeći zaključak:

„Skupština HNŽ/K-a daje pozitivno mišljenje na Nacrt Zakona o razvojnom planiranju i upravljanju razvojem u F BiH, uz zahtjev da se uvažavaju mišljenja i prijedlozi sadržani u zaključku Vlade HNŽ/K-a od 19.05.2016., a koje su u Vladi pripremili Ured za zakonodavstvo, Ministarstvo pravosuđa, uprave i lokalne samouprave HNŽ/K-a, Ministarstvo gospodarstva HNŽ/K-a i Ministarstvo za pitanje branitelja HNŽ/K-a. Zaključak Skupštine HNŽ/K-a sa primjedbama i prijedlozima navedenim u točki 1 će se dostaviti Federalnom ministarstvu pravde. Zaključak stupa na snagu danom donošenja i objavit će se u „Narodnim novinama HNŽ/K-a““.

Usljedilo je glasanje.

2 glasa protiv, suzdržanih nema.

Zaključak je većinom glasova usvojen.

AD10. Mišljenje na Prednacrt Federalnog Zakona o pravima razvojačenih branitelja i članova njihovih obitelji

U ime predlagača Mišljenja, obrazloženje je dao Oliver Soldo, ministar Ministarstva branitelja HNŽ/K.

Otvorena je rasprava.

Za riječ se javio predsjedavajući Šerif Špago.

Predsjedavajući zaključuje raspravu i predlaže slijedeći zaključak:

„Skupština HNŽ/K-a daje pozitivno mišljenje na Prednacrt Zakona o pravima razvojačenih branitelja i članova njihovih obitelji F BiH, uz zahtjev da se razmotre mišljenja i prijedlozi sadržani u zaključku Vlade od 21.07.2016. bez priloženih amandmana. Ovaj zaključak će se dostaviti Federalnom ministarstvu za pitanje branitelja i invalida Domovinskog rata.

Zaključak stupa na snagu danom donošenja i objavit će se u „Narodnim novinama HNŽ/K“.

Usljedilo je glasovanje.

2 glasa protiv, suzdržanih nema.

Zaključak je većinom glasova usvojen.

AD11. Zaključak o dostavljanju Izvještaja o realizaciji skupštinskih zaključaka

Otvorena je rasprava o Prijedlogu zaključka o dostavljanju Izvještaja o realizaciji skupštinskih zaključaka.

Niko se nije javio za riječ.

Rasprava je zatvorena.

Predsjedavajući predlaže slijedeći zaključak:

„Zadužuje se Vlada HNŽ/K-a i nadležna ministarstva da Skupštini HNŽ/K-a dostavi izvještaj o stupnju realizacije ranije donesenih zaključaka Skupštine, zaključak od 10.11.2015. godine vezano za informaciju o položaju osoba sa invaliditetom u HNŽ/K sa prijedlogom mjera za poboljšanje statusa, Zaključak od 15.12.2015. godine vezano za analizu stanja u zdravstvu na području HNŽ/K sa prijedlogom mjera, Zaključak od 29.03.2016. godine vezano za analizu stanja u gospodarstvu i prijedlozi mjera. Izvještaj dostaviti u roku od 30 dana. Zaključak stupa na snagu danom donošenja i objavit će se u „Narodnim novinama HNŽ/K“.

Usljedilo je glasovanje.

Zaključak je jednoglasno usvojen.

Sjednica je završena u 17:00 sati.

Zapisničar

Aida Dedić

Danijel Groznica

Predsjedavajući

Šerif Špago